

痰飲欬嗽病脉證并治 第十二 論一首 脉證二十一條 方十八首

問曰、夫飲有四、何謂也。師曰、有痰飲、有懸飲、有溢飲、有支飲。

問曰、四飲何以為異。師曰、其人素盛今瘦、水走腸間、漚漚有聲、謂之痰飲。飲後水流在脇下、欬唾引痛、謂之懸飲。飲水流行、歸於四肢、當汗出而不汗出、身體疼重、謂之溢飲。欬逆倚息、短氣不得臥、其形如腫、謂之支飲。

水在心、心下堅築、短氣、惡水、不欲飲。

水在肺、吐涎沫、欲飲水。

水在脾、少氣身重。

水在肝、脇下支滿、噯而痛。

水在腎、心下悸。

夫心下有留飲、其人背寒冷、如手大。

留飲者、脇下痛引缺盆、欬嗽則輒已。

一作轉甚

胸中有留飲、其人短氣而渴、四肢歷節痛、脉沈者、有留飲。

膈上病痰、滿喘欬吐、發則寒熱、背痛腰疼、目泣自出、其人振振身瞤劇、必有伏飲。

夫病人飲水多、必暴喘滿。凡食少飲多、水停心下、甚者則悸、微者短氣。脉雙弦者寒也、皆大下後善虛、脉偏弦者飲也。

肺飲不弦、但苦喘短氣。

支飲亦喘而不能臥、加短氣、其脉平也。

病痰飲者、當以溫藥和之。

心下有痰飲、胸脇支滿、目眩、苓桂朮甘湯主之。

〔苓桂朮甘湯方〕

茯苓_{四兩} 桂枝_{三兩} 白朮_{三兩} 甘草_{二兩}

右四味、以水六升、煮取三升、分溫三服、小便則利。

夫短氣有微飲、當從小便去之、苓桂朮甘湯主之、方見腎氣丸亦主之。方見脚氣中

17

16

15

14

13

12

11

10

9

8

7

6

5

4

3

2

1

病者脉伏、其人欲自利、利反快、雖利、心下續堅滿、此為留飲欲去故也。甘遂半夏湯主之。

〔甘遂半夏湯方〕

甘遂^{大者三枚} 半夏^{十二枚以水一升煮取半升去滓} 芍藥^{五枚} 甘草^{如指大一枚炙一本作無}

右四味、以水二升、煮取半升、去滓、以蜜半升、和藥汁煎取八合、頓服之。

脉浮而細滑、傷飲。

脉弦數、有寒飲、冬夏難治。

脉沈而弦者、懸飲內痛。

病懸飲者、十棗湯主之。

〔十棗湯方〕

芫花^熬 甘遂^{各等分} 大戟^{各等分}

右三味、搗篩、以水一升五合、先煮肥大棗十枚、取八合、去滓、內藥末、強人服一錢匕、羸人服半錢、平旦溫服之、不下者、明日更加半錢、得快下後、糜粥自養。

病溢飲者、當發其汗、大青龍湯主之、小青龍湯亦主之。

〔大青龍湯方〕

麻黃^{六兩去節} 桂枝^{二兩去皮} 甘草^{二兩炙} 杏仁^{四十兩去皮尖} 生薑^{三兩切} 大棗^{十二枚} 石膏^{如雞子大碎}

右七味、以水九升、先煮麻黃、減二升、去上沫、內諸藥、煮取三升、去滓、溫服一升、取微似汗、汗多者溫粉粉之。

〔小青龍湯方〕

麻黃^{三兩去節} 芍藥^{三兩} 五味子^{半升} 乾薑^{三兩} 甘草^{三兩炙} 細辛^{三兩} 桂枝^{三兩去皮} 半夏^{半升洗}

右八味、以水一斗、先煮麻黃、減二升、去上沫、內諸藥、煮取三升、去滓、溫服一升。

膈間支飲、其人喘滿、心下痞堅、面色黧黑、其脉沈緊、得之數十日、醫吐下之不愈、木防已湯主之。虛者即愈、實者三日復發、復與不愈者、宜木防已湯去石膏加茯苓芒硝湯主之。

〔木防已湯方〕

木防已_{三兩}

石膏<sub>十二枚
雞子大</sub>

桂枝_{二兩}

人參_{四兩}

右四味、以水六升、煮取二升、分溫再服。

〔木防已湯去石膏加茯苓芒硝湯方〕

木防已_{二兩}

桂枝_{二兩}

人參_{四兩}

芒硝_{三合}

茯苓_{四兩}

右五味、以水六升、煮取二升、去滓、內芒硝、再微煎、分溫再服、微利則愈。

心下有支飲、其人苦冒眩、澤瀉湯主之。

〔澤瀉湯方〕

澤瀉_{五兩}

白朮_{二兩}

右二味、以水二升、煮取一升、分溫再服。

支飲胸滿者、厚朴大黃湯主之。

〔厚朴大黃湯方〕

厚朴_{一尺}

大黃_{六兩}

枳實_{四枚}

右三味、以水五升、煮取二升、分溫再服。

支飲不得息、葶藶大棗瀉肺湯主之。

<sub>方見肺
癰中</sub>

嘔家本渴、渴者為欲解、今反不渴、心下有支飲故也、小半夏湯主之。

<sub>千金云小半
夏加茯苓湯</sub>

〔小半夏湯方〕

半夏_{一升}

生薑_{半斤}

右二味、以水七升、煮取一升半、分溫再服。

腹滿口舌乾燥、此腸間有水氣、已椒藶黃丸主之。

〔防已椒目葶藶大黃丸方〕

防已_{椒目}

葶藶_熬

大黃_{各二兩}

右四味、末之、蜜丸如梧子大、先食飲服一丸、日三服、稍增、口中有津液、渴者加

芒硝半兩。

卒嘔吐、心下痞、膈間有水、眩悸者、半夏加茯苓湯主之。

〔小半夏加茯苓湯方〕